

На хвалитех стихиры, на 4, глас 6. Подобен: Все отложше:

1. Стих: Хвалите Его на силах Его,/ хвалите Его по множеству величества Его.

Великая исправления постнических пóдвиг/ великаго отца, воистину чуднаго Сёргия,/ Никоне блажённе,/ привлекоша тя желаннее постническому сло́вию,/ и дивно добродетелем его вообразиа тому сож́итием,/ и сострадалец подвигом дóблествен,/ яко ученик того й́стинен,/ учитель же художен того ча́дом./ И ныне молися, преподóбне, // помíловатися душáм нашим.

2. Стих: Хвалите Его во гласе трубнем,/ хвалите Его во псалтири и гуслех.

Множество подвигов и потов твоих постнических/ раздражиша сопостата праведных,/ наведé бо языки раскопати жилище честное,/ но пóты преподобнаго великаго Сергия/ во веки сияют пред Богом./ Темже тобою пáче утверд́и/ и бóльше сие распространи́,/ но мо́лим тя, преподобне,/ подвигнув великаго на молитву,/ возбраняй присно варвар стремление/ и никогда же отпусти обор́ити, Никоне блаженне.

3. Стих: Хвалите Его в тимпане и лице,/ хвалите Его во струнах и органе.

Древо добровётвенно, сённо и благоплодно,/ на водах прекрасно жизненных воистинну насажденное,/ питающее приходящия и осеняющее опаляемая,/ ты еси, отче преподобне,/ напаяемь учении Сергия,/ имиже питал еси твоя ученики./ Темже молим тя:/ осени люди, заступая от языческих нашествий,/ низлагая их прежде востания./ Нас же в мире соблюди, Никоне, твоими молитвами.

Слава, глас 2. Самогласен:

Память праведника – радость боящихся Гóспода,/ хвала бо его – сладость вёрных ёсть:/ блажён бо воистину,/ егоже избра и прият Госпóдь./ Темже мы, веселя́щися,/ почитáем память преподóбнаго,/ емуже ныне в память его моля́щися,/ яко имущу дерзнове́ние,/ о побéде нам на языки прот́ивныя,/ еже низложити востающия непра́ведно,/ подати же мир миру, и церквам единомы́слие, // и душам нашим велию мíлость.

И ныне, Богородичен.

О чудесе новаго всех дрéвних чудéс!/ Кто бо позна Матерь, без мужа рóждшую/ и на руку́ носящую всю тварь Содержáщаго;/ Божие есть изволение Рóждшееся./ Егоже яко Младенца Пречíстая,/ Тво́йма рукама носíвшая,/ и матернее дерзновение к Нему имúщая,/ не престай молящи о чтúщих Тя, // ущедрити и спасти души на́ша.

На Литургии

Блаженны от канона святого песни 3-я и 6-я.

По входе: [В храме Пресвятыя Троицы]:

Тропарь, глас 8:

Благословен еси Христе Бóже наш, / Иже премудры ловцы́ явлéй, / низпо-
слав им Духа Свята́го, / и теми уловлей вселéнную, // Человеколю́бче
сла́ва Тебе.

Тропарь прп. Никона, глас 1:

Послушания добрый рачитель быв, / преподобне Никоне приснопамятне, /
Церковь бо прекрасну Святыя Трoицы / в похвалу отцу твоему воздвигл
еси. / Тёмже и мы, чада твоя, любовью вопиём ти: / слава Давшему ти
крéпость, / слава Венчавшему тя, // слава Действующему тобою всем исце-
ления.

Слава: Кондак прп., глас 4. Подобен: Явился еси:

Духовному твоему настоятелю, отче Никоне, / всячески прилепился / и от
него наставляемь, / во всём Христови поработився, / монахов был еси чи-
ноначальник / и преподобных сожитель, // с нимиже Христа Бога моли непре-
станно о всём нас.

И ныне: Кондак, глас 8:

Егда снизшед языки слия, / разделяше языки Вышний: / егда же огненные
языки раздаёше, / в соединение вся призва, // и согласно славим Всесвя-
таго Духа.

**Прокимен святителя Никона, глас 7: Честна пред Господем смерть преподоб-
ных Его.**

**Аллилуарий святителя Никона, глас 2: Стих: Священницы Твои облекутся
правдою, и преподобнии Твои возрадуются.**

**Причастен святителя Никона: В память вечную будет праведник, от слуха зла
не убоится. Аллилуия. Трижды.**